

Koh Tao

Endlich in Suede!:) Am Abig am 9i sind mir in Bangkok uf dae Car, richtig nach Chumphon! Ach ja, mir gheisst: i bi immer no mit dae Julie und dae Do vo Canada unterwegs! D'Kylie isch nach Kanchanabur und mir werdet sie in Koh Phangan wieder treffe! Also im moment isch d'mischig Schwiiz - Canada!:) In Chumphon aachoo sind mir am 7'i uf dae express Catamaran nach Koh Tao!

"Koh tao - Schildkroete Insle" liit 40km noerdlich vo Koh Phangan und sie isch ca. 3km breit und 7 km lang, beherbergt knapp 1000 iiwohner! Koh Tao isch dae best Ort in Thailand zum tauche lerne und dae guenstigst! Di ganz Inlse oder zumindest das wo ich gseh ha, isch uh schoen und ruhig!

Frueh am morge aachoo und am Strand entlang zum Hotel, bi i scho z'erscht mal aagsproche worde ob i en Tauchkurs mache wett! Da i aber vor tuefem Wasser und vor Fisch Angst ha, isch mini Antwort klar nei gsii! Im lauf vom Tag haet mi das aber immer meh beschaeftiged und eifach nid in rueh glah! I ha scho mal s'Jugendtauchprevet gmacht, halt eifach im Pool. nach mae telefon mitem Mami, Papi und Tobi, han i mi doch no daefuer entschiede! Ha gwuesst dass i so guenstig sicher nuem daezue chume(ca. 340.- Chf fuer Open Water PADI). Am 1.Tag haemmer theorie gha, am 2. Tag tauche im Pool und Theorie und am 3. und 4. Tag isch's denn ab is Meer! Ich saeg eu, eifach dae Hammer! Bim 1. Tauchgang isch mir scho chli mumlig ggsii! Usem Boot gumpe, is wuerlich mega tuefe und dunkle Wasser, das haet mi am meiste ueberwindig kostet! Aber under Wasser, eifach traumhaft und mer fuehlt sich eifach ganz relaxed! Ha ganz viel Fisch gseh, bi i Fischeschwarm gschwummw, 2 Moraene, e riise Qualle, en "Nemo fisch" mit Baby, Aber dae hammer isch definitiv am Abschluss-pruefigstag gsii: en Hai! Mir haend mega Glueck gha und er isch direkt under eus gsii, ok ca. 8m unnedrah, aber i ha ihn super guet gseh! und unglaublich aber wahr, i ha nid mal angst gha, eifach respekt! Nachdem i Theorie und s'praktische bestande ha, bi i mega Stolz gsii uf mi. nach so langer Ziit, nid wiiter is Meer als bis zum Hals und e riise Angst vor tuefi und Fisch, jez ' Open Water Tauchprevet! D' Luet und s'Hotel "Crystal Dive" isch mega gsii und i waer gern nochli laenger blibe, aber eusi Faehre nac hKoh Phangan isch ja scho buechet gsii, also haend mir eus uf dae Weg gmacht!